



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

LXIV. De fratribus qui per diuersas prouincias proficiscuntur.

**urn:nbn:de:hbz:466:1-15588**

HONORIVS TRECENSE. LOTHARIUS SAXO IMP. 81  
P. II. LUDOVICVS CRASSVS R. FR.

ANNO CHRISTI  
1117. tia, simpliciter, & non clamore, vt vnis alium non con-  
turbet, communis consilio iubemus.

L XI.

*Vt fidem seruientium accipient.*

Agnouimus nempe complures ex diuersis prouinciis,  
tam clientes, quam armigeros, pro animarum salute ani-  
mo feruent ad terminum cupientes in domo nostra man-  
cipari: vtile est autem vt fidem eorum accipiatis, ne for-  
te veteranus hostis in Dei seruitio aliquid furtive vel in-  
decenter eis intimet, vel a bono proposito repente ex-  
terminet.

L XII.

*Vt pueri quamdiu sunt parui non accipientur inter fratres templi.*

Quamuis regula sanctorum patrum pueros in congrega-  
tione permittat habere, nos de talibus non collauda-  
mus vos vñquam onerare. Qui vero filium suum, vel pro-  
pinquum, in militari religione perenniter dare voluerit,  
vsque ad annos, quibus viriliter armata manu poslit ini-  
micos Christi de terra sancta delere, eum nutriat: dehinc  
secundum regulam in medio fratrum pater vel parentes  
eum statuant, & suam petitionem cunctis patefaciant.  
Melius est enim in pueritia non vouere, quam, postea-  
quam vir factus fuerit, enormiter retrahere.

L XIII.

*Vt senes semper venerentur.*

Senes autem pia consideratione secundum virium im-  
becillitatem supportare ac diligenter honorare oportet,  
& nullatenus in his quæ corporis sunt necessaria districte  
teneantur, salua tamen auctoritate regulæ.

L XIV.

*De fratribus qui per diuersas prouincias proficiuntur.*

Fratres vero qui per diuersas prouincias diriguntur,  
regulam, inquantum vires expetunt, seruare in cibo &  
potu & ceteris studeant, & irreprehensibiliter viuant, vt  
ab his qui foris sunt bonum testimonium habeant: religio-  
nis propositum nec verbo nec actu polluant, sed maxime

*Concil. Tom. 27.*

L

omnibus, quibus se coniunxerint, sapientiae & bonorum operum exemplum & condimentum praebant. Apud quem hospitari decreuerint, fama optima sit decoratus, &, si fieri potest, domus hospitis in illa nocte non careat lumine, ne tenebrosus hostis occisionem, quod absit, inferat: vbi autem milites non excommunicatos congregare audierint, illuc pergere, non considerantes tam temporalem utilitatem quam aeternam animarum illorum salutem, dicimus. Illis autem fratribus in ultramarinis partibus spe subvectionis ita directis hac conuentione eos qui militari ordini se iungere perenniter voluerint recipere collaudamus, ut in praesentia episcopi illius prouinciae uterque conueniat, & voluntatem petentis prael audit: audita itaque petitione, mittat eum frater ad magistrum & ad fratres qui sunt in templo quod est in Ierusalem, &, si vita eius est honesta talique consortio digna, misericorditer suscipiat, si magistro & fratribus bonum videtur. Si vero interim obierit, pro labore & fatigacione, quasi vni ex fratribus, totum beneficium & fraternitas pauperum & commilitonum Christi ei impendatur.

L X V.

*Vt vietus aequaliter omnibus distribuatur.*

Illud quoque congrue & rationabiliter manutendum censemus, ut omnibus fratribus remanentibus vietus secundum loci facultatem aequaliter tribuatur: non enim est utilis personarum acceptio, sed infirmitatum necessaria est consideratio.

L X VI.

*Vt milites templi decimas habeant.*

Credimus namque relictis affluentibus diuitiis vos spontaneae paupertati esse subiectos, vnde decimas vobis communi vita viuentibus iuste habere hoc modo demonstrauimus. Si episcopus ecclesiae, cui decima iuste debetur, vobis caritatue eam dare voluerit, assensu communis capituli de illis decimis quas tunc ecclesia possidere videatur vobis tribuere debet. Si autem laicus quilibet adhuc illam vel ex patrimonio suo damnabiliter amplectitur,